

# NA RICHËSSA 'D FAMIJA

*Germana Cresto (Feletto - To)*

*3° Classificato - Sezione Piemontese*

**Z**son sì, davzin a toa cun-a, mi nòna da pòchi mèis, e ti pian pian it cale da la nivolëtta 'd bambasin-a dij tò seugn, it deurbe j'euj e, dun-a, na bochin-a a cheur a reclama soa rasion ëd làit. Mama a l'è pa 'ncora tornà da fé spèisa e, për ten-te pàsia, it pijo an sij mè brass e i taco a contete na stòria. A podria esse cola 'd Biancafiòca o dla Bela Andurmìa, ma ancheuj a l'é na conta motobin diferenta, ch'a dis parèj:

“Ant un pais dël nòst verd Canavèis a-i vivìa 'n giovnòt, svicc, sempe alégher e pront a contene un-a për un sòld e a fela pì gròssa për cissa, da bon fieul ëd cassador.

Finì 'l temp ëd jè studi e trovà 'n travajòt për un pàira d'ani, ant un-a tèbbia matin ëd magg a l'era peui partì soldà për la sità d'Aosta, 'ndoa a l'avria frequentà 'l cors për sotufissiaj a la scòla militar ëd j'Alpin.

Un salut a sò pà, ch'a l'avìa arcomandaje 'd fese onor an col istess còrp che chiel a l'avìa servì për tant temp, marcà da la trista esperiensa dla guèra, da la pèrzonìa a ca dj' Alman e da na liberassion ëvnùta për asar e pì nen butà an cont. N'ambrass ëssiass a mama, ch'a l'avìa coatalo 'd lerne; un basin a la morosa, peui a l'era andass-ne con na coriera, ch'a portava a naja d'òutri fieuj come chiel, pien ëd fiusa ant l'avni.

Passà na sman-a, con na litra 'l "bòcia" as lamentava dij quaj sota ij pé për le longhe marciade, dël regolament ch'a jè stasia 'n pòch èstrèit e a contava ch'a l'avìa già arzigà dontrè vire d'esse consignà.

Peui, dòp ij prim temp, antrames a na scapada 'd pòche ore a ca, fàita con un pàira d'autostòp, e la fin dël cors, a l'era vnùje 'l moment ëd la destinassion ma, contatt, tròp lontan da ca e l'alpinòt, con le pive ant ël sach, a l'era 'rtrovasse ant un-a tradota adressà an Trentin, an val Pusterìa.



Moral a tèra pèr chiel e soa famija, meno che pèr sò pà, che, a sò temp, a l'avìa provà bin ëd pes. Ma, come a dis ël proverbij, "nen tut ël mal a ven pèr porté 'd dann" e da lassù a rivavo 'd litre pien-e 'd nostalgia pèr ij sò "vejòto" e soa bela, ma con ëd laude senza fin pèr lè spetàcol maravijos dël paisagi, 'l mangé bon e fosanant e na vajanta crica 'd cambrada.

E 'n di a l'era giontasse la partensa pèr fé la guardia a na polvèriera a pòca distansa da l'Austria. Un mond neuv a l'era deurbisse pèr col fieulin, fàit ëd longhe giornà da sol, an garita, 'd neuit silensiose a scoté le vos dël bòsch e a dëscheurve 'd rumor, combin ij pì cit.

Na matin, dai véder panà dël dormitòri a l'era spuntaje 'n museto tut òss, con doi eujon ùmid ëd pior e 'n pàira 'd cornòt ch'a sèrcavo la manoja dla pòrta.

L'alpin, lassà la branda, a l'era trovasse dèdnans un cravieul, ferì a na piòta, che a soa manera a ciamava d'agiut. La pòvra bestia a l'era lassasse mediché peui, arseivù a na brancà 'd fen, a l'era partisne sopin sopèt. Ma 'l di dòp vardlo torna lì, pontual, sponté da lè scur ëd na màcia 'd bronson, con ël pèil lusent al sol tèbbi 'd cola giornà d'inissi oteugn.

Avzinasse pèr carèsselo, l'alpin a l'avìa vist ch'a l'era pa sol, ma a lo seguìa n'èstrop ëd dontrè cravieulin. Nè sguard a la ferìa, na rassion pì bondosa 'd fen, compagnà da na pugnà 'd sal pèr cola bestia, ch'a dovìa deje 'dcò da mangé ai sò pìcit, a l'avìo marcà l'inissi 'd n'amicissia.

Da col di mama e soa famija a j'ero pa pì slontanasse e a vivìo ant un ciabòtin veuid al càuss d'un pin maestos che, con ij branch pì àut, a s'avzinava a toché la punta dla montagna giu-mai con un capuss ëd fiòca. E pòchi di apress gròsse parpajòle a j'ero calà 'dcò ant j'anviron ëd la caserma a coaté an pressa ij senté, 'l ri davzin e a piture col èspetàcol ùnich che mach la natura a sa fé. Pèr le pòvre bestiolin-e a sarìa stàita la fin s' a l'avèisso nen avèrtì ij guardiaparch pròpi coj alpin ch'a dovìo tramudé pèr torné al comand.

Passà l'invern e la prima, ant l'istà a l'era 'dcò rivaje 'l congé. La vita dël fieulinòt a l'avìa pijà n'òutr gir. Prima spos, peui pare 'd doi masnà, sovens a 'rcondava j'ani dla naja come moment bej e senza pensé e, pontual, minca mèis ëd magg a partìa pèr la



radunansa nassional ëd j'alpin an qualsissia part ëd l'Italia as tenèissa.

Purtròp, pròpi a l'artorn dël mèis ëd magg ëd n'anada grama, a l'avìa fàit un viaggi motobin pì 'n là che sò Paìs, d'andoa gnun a l'é mai tornà. Sò pà, ël "vecio", combin crasà 'nt ël pèrfond dël cheur, ma con ël coragi d'un ch'a conòss la vita rudia, a l'avìa salutà pèr l'ùltima vòlta ël "bòcia", strenzend an man sò capel da alpin e carèssand cola longa piuma nèira.

A coj ch'a s'avzinavo pèr feje coragi, a-j repetìa che chiel a l'avìa avù, se nen àutr, la consolassion d'assiste sò fieul, nopà an guèra a l'avìa vist meuire tanti giovo da soj, antant che la paròla "mama" as dèstissava pian pian an sij laver.

Costa, mè car ninin, a l'é la stòria capità pèr dabon a n'òmo ch'a j piasìa tant la vita, a tò nòno, volà an Cel tròp prest pèr podèite conté 'n di soe aventure.

Ti 't im fase 'n soris; a smija ch'it l'àbie capì lòn ch'i l'hai contate e ch'it dirai torna quand it saras pì granda, bon-a a comprende 'l valor che col capel da alpin a l'ha pèr nòstra famija e dzortut pèr mi.



# UNA RICCHEZZA DI FAMIGLIA

Germana Cresto (Feletto - To)

3° Classificato - Sezione Piemontese

*Sono qui, vicino alla tua culla, io nonna da pochi mesi, e tu scendi di pian piano dalla nuvoletta di cotone dei tuoi sogni, apri gli occhi e, subito, una boccuccia a cuore pretende la sua razione di latte.*

*La mamma non è ancora tornata e, per tenerti calma, ti prendo fra le mie braccia e inizio a raccontarti una storia. Potrebbe essere quella di Biancaneve o della Bella Addormentata, ma oggi si tratta di un racconto molto diverso, che dice così:*

*“In un paese del nostro verde Canavese viveva un giovanotto, vivace, sempre allegro, pronto a raccontare storie e ad ingigantirle, per incitamento, da degno figlio di cacciatore. Terminati gli studi e trovato un lavoro per un paio di anni, in una tiepida mattina di maggio era partito militare verso la città di Aosta, dove avrebbe frequentato il corso per sottufficiali alla scuola militare degli alpini. Un saluto al papà, che gli aveva raccomandato di farsi onore in quello stesso corpo che lui aveva servito per molto tempo, segnato dalla triste esperienza della guerra, dalla prigionia in Germania e dalla liberazione, avvenuta per caso e non più sperata. Un abbraccio affettuoso alla mamma, che lo aveva inondato di lacrime, un bacio alla fidanzata, poi se ne era andato con una corriera, che trasportava a “naia” altri ragazzi come lui, pieni di fiducia nell’avvenire.*

*Trascorsa una settimana, con una lettera il “bòcia” si lamentava per le bolle causate dalle lunghe marce, per il regolamento alquanto restrittivo e raccontava di aver già rischiato di essere punito. Poi, dopo i primi tempi, fra una visita di poche ore a casa, fatta con un paio di autostop, e la fine del corso, era giunto il momento della destinazione ma, ahimè, troppo distante da casa e l’alpino, particolarmente abbattuto, si era ritrovato su una tradotta diretta in Trentino, in val Pusteria.*

*Morale a terra per il giovanotto e la sua famiglia, eccetto che per il papà il quale, a suo tempo, aveva provato ben di peggio.*

*Ma, come dice il proverbio, “non tutto il male vien per nuocere”*



e di lassù arrivavano lettere piene di nostalgia per i genitori e la fidanzata, ma colme di lodi per lo spettacolo meraviglioso del paesaggio, il cibo buono ed abbondante e per una valida combriccola di camerati.

E un giorno si era aggiunta la partenza per la vigilanza ad una polveriera a poca distanza dall'Austria. Un mondo nuovo si era aperto per quel ragazzo, fatto di lunghe giornate dasolo, in garitta, di notti silenziose ad ascoltare le voci del bosco e a scoprire il benché minimo rumore.

Un mattino, dai vetri appannati del dormitorio, era spuntato un musetto ossuto, con due occhioni umidi e un paio di piccole corna che cercavano di aprire la porta. L'alpino, lasciata la branda, si era trovato davanti un capriolo ferito ad una zampa che, a modo suo, chiedeva aiuto. La povera bestia si era lasciata disinfettare poi, ricevuta una manciata di fieno, si era allontanata zoppicando.

Ma il giorno successivo eccolo di nuovo spuntare da una macchia scura di mirtilli, con il pelo lucente al sole tiepido di quella giornata d'inizio autunno. Avvicinatosi per accarezzarlo, l'alpino aveva visto che non era solo, ma lo seguiva un gruppetto di piccoli caprioli. Uno sguardo alla ferita, una razione più abbondante di fieno accompagnata da una manciata di sale per quella bestia, che doveva sfamare anche i suoi cuccioli, avevano segnato l'inizio di un'amicizia.

Da quel giorno la mamma e la sua famigliola non si erano più allontanate e vivevano in un casotto vuoto ai piedi di un pino maestoso che, con i rami più alti, si avvicinava a toccare la punta della montagna, ormai con un cappuccio di neve. E, pochi giorni dopo, grossi fiocchi erano scesi anche nei dintorni della caserma a coprire in fretta i sentieri, il ruscello vicino e a dipingere quello spettacolo unico che solo la natura sa fare. Per le povere bestioline sarebbe stata la fine, se non avessero avvertito i guardiaparco proprio quegli alpini che dovevano traslocare per tornare al comando.

Passati l'inverno e la primavera, durante l'estate era giunto il congedo. La vita del ragazzo era cambiata. Prima sposo, poi padre di due figli, sovente ricordava gli anni della "naia" come momenti belli e spensierati e, puntualmente, ogni mese di maggio partiva per il raduno nazionale degli alpini in qualsiasi parte d'Italia si tenesse.

Purtroppo, al ritorno del mese di maggio di un'annata cattiva, aveva fatto un viaggio molto più lontano del suo Paese, da dove nessuno è mai più tornato.

Suo papà, il "vecio", benché spezzato dal dolore nel più profondo



*del cuore, con il coraggio di chi conosce la vita rude, aveva salutato per l'ultima volta il "bocia" stringendo in mano il suo cappello da alpino e accarezzando quella lunga penna nera.*

*A chi gli si avvicinava per fargli coraggio, ripeteva che lui aveva avuto, se non altro, la consolazione di assistere suo figlio, invece in guerra aveva visto morire tanti giovani da soli, mentre la parola "mamma" si spegneva pian piano sulle loro labbra".*

*Questa, mia piccola cara, è la storia capitata realmente ad un uomo che amava tanto la vita, a tuo nonno, volato in Cielo troppo presto per poterti raccontare un giorno le sue avventure. Tu mi fai un sorriso; sembra che abbia capito ciò che ti ho narrato e che ti ripeterò quando sarai più grande, capace di comprendere il valore che quel cappello da alpino ha per la nostra famiglia e soprattutto per me.*

